

Uunga siunnersuut: Kalaallit Nunaanni sullivimmi avatangiisinut inatsisip allanngortinneqarnissaanut inatsisissatut siunnersuutip (Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffiqineqartarnerinut piumasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, paasissutissanik katersuineq, suliarinnineq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaat
(Isumaginninnermut, Suliffeqarnermut Nunamullu Namminermut Naalakkersuisunut ilaasortaq)

Akissuteqaat

(Isumaginninnermut, Suliffeqarnermut Nunamullu Namminermut Naalakkersuisoq)

Aappaasaanneerinnineq

Kalaallit Nunaanni sullivimmi avatangiisinut inatsisip allanngortinnissaanut inatsisissatut siunnersuup akuersissutigineqarnissaa pillugu aalajangiiffigisassatut siunnersuut maannamut Inatsisartut Inuussutissarsiornermut Aatsitassanullu Ataatsimiititaliaannit suliarineqareerpoq.

Naalakkersuisut tamatumunnga atatillugu Ataatsimiititaliamit isumaliuutissiissummut sukumiisumut qujassuteqarput, aamma ataatsimiititaliap isumaqatigiittup siunnersuut akuerisassanngorlugu inassutigaa.

Soorlu Ataatsimiititaliap isumaliuutissiissummi oqaatigigaa, sullivimmi avatangiisit pillugit inatsit nutarterneqarnissaa siullermeerneqarnerani ataatsimut isigalugu taparserneqartoq Naalakkersuisut maluginiarpaat.

Taamatut naatsumik oqaaseqarlunga Naalakkersuisut siunnersuut aappaasaanneerineqarnissaanut ingerlateqqippaat.